

Vnd Mir Jam sang jnen fur/ Lasset vns dem HERRN singen/ Denn er hat eine herrliche That gethan/ Man vnd Ross hat er ins Meer gestürzt.

Num. 33. Mara.

Sie gehet bereit auff solche grosse herrliche vnd wunderbarliche Erlösung das murren an.

Mose lies die kinder Israhel ziehen vom Schilffmeer hinaus zu der Wüsten Sur/ vnd sie wanderten drey tage in der wüsten / das sie kein wasser funden. Da kamen sie gen Mara/ Aber sie kundten des wassers zu Mara nicht trincken/ denn es war fast bitter/ Da her hies man den ort Mara. Da murret das Volck wider Mose / vnd sprach / Was sollen wir trincken? Er schrey zu dem HERRN/ vnd der HERR weist jm einen Baum / den thet er ins wasser/ da ward es süß.

Sur.

(Mara)

Heißt bitter/ Vnd bedeut leiden vnd anfechtung/ welche durch das creuz Christi im glauben auch süße werden. Math. 11. Wenn Joch ist süß

Dasselbs stellet er jnen ein Geseze vnd ein Recht / vnd versucht sie/ vnd sprach / Würstu der stim des HERRN deines Gottes gehorchen/ vnd thun was recht ist fur jm/ vnd zu ohren fassen seine Gebot / vnd halten alle seine Gesez / So wil ich der Kranckheit keine auff dich legen / die ich auff Egypten gelegt habe/ Denn ich bin der HERR dein Arzt.

XVI.

Num. 33.



Vnd sie kamen in Elim/ da waren zwelff Wasserbrunnen / vnd siebenzig Palmbewme / vnd lagerten sich daselbs ans wasser. Von Elim zogen sie / vnd kam die ganze gemeine der kinder Israhel in die wüsten Sin / die da ligt zwischen Elim vnd Sinai / am funffzehenden tage des andern monden / nach dem sie aus Egypten gezogen waren.

Elim.

Sin.

Murren des Volcks.

Vnd es murret die ganze gemeine der kinder Israhel wider Mosen vnd Aaron in der wüsten/ vnd sprachen/ Wolt Gott/ wir weren in Egypten gestorben / durch des HERRN hand / da wir bey den fleischtröpfen fassen/ vnd hatten die fülle Brot zu essen/ Denn jr habt vns darumb ausgefürt in diese wüsten/ das jr diese ganze Gemeine hungers sterben lasset.



Da sprach der HERR zu Mose / Siehe/ Ich wil euch Brot vom Himmel regenen lassen / vnd das Volck sol hin aus gehen / vnd samlen teglich was es des tages darff / das ichs versuche / obs in meinem Geseze wandele oder nicht.

G iij nicht.